

**საჯარო სამართლის იურიდიული პირი -  
ბათუმის შოთა რუსთაველის სახელმწიფო უნივერსიტეტი**  
**ბრძანება N 01-02/43**

ქ. ბათუმი

28 თებერვალი, 2023 წ.

**სადაზღვევო კომპანია „აღდაგის“ სტიპენდიის მიმღები ბსუ-ს ეკონომიკისა და  
ბიზნესის ფაკულტეტის საბაკალავრო და სამაგისტრო საგანმანათლებლო  
პროგრამის სტუდენტის შერჩევის თაობაზე**

„უმაღლესი განათლების შესახებ“ საქართველოს კანონის 22-ე მუხლის პირველი პუნქტის, ბსუ-ს წესდების მე-13 მუხლის, სადაზღვევო კომპანია „აღდაგის“ და ბსუ-ს შორის 2022 წლის 26 დეკემბერს დადებული ურთიერთთანამშრომლობის მემორანდუმისა და ეკონომიკისა და ბიზნესის ფაკულტეტის დეკანის 2023 წლის 23 თებერვლის №215325 სამსახურებრივი ბარათის საფუძველზე

**ვ ბ რ ძ ა ნ ე ბ:**

1. „აღდაგის“ სტიპენდიის მიმღები ბსუ-ს ეკონომიკისა და ბიზნესის ფაკულტეტის საბაკალავრო და სამაგისტრო საგანმანათლებლო პროგრამის 1 სტუდენტის შერჩევა განხორციელდეს 2023 წლის 06 მარტს, შემდეგი პირობების შესაბამისად:
  - ა) სტიპენდიის ოდენობა შეადგენს თვეში 100 ლარს (ხელზე მისაღები) და გაიცემა 1 სემესტრის განმავლობაში (გაზაფხულის სემესტრში მარტიდან ივლისის ჩათვლით, 5 თვე), რომელიც გაიცემა სადაზღვევო კომპანია „აღდაგი“-ს მიერ, სტიპენდიის დანიშვნის შესახებ ბსუ-ს რექტორის ბრძანების საფუძველზე;
  - ბ) სტიპენდია შეიძლება მოიპოვოს ეკონომიკისა და ბიზნესის ფაკულტეტის აქტიური სტატუსის მქონე წარმატებულმა სტუდენტმა (შეირჩევა სულ 1 სტიპენდიანტი), რომელსაც არ აქვს აკადემიური დავალიანება, წინა სემესტრში ათვისებული აქვს სულ მცირე 25 კრედიტი და ამასთან, წინა სემესტრის შედეგების მიხედვით სასწავლო კურსებში მიღებული აქვს შეფასება - არანაკლებ 91 ქულა;
  - გ) სტუდენტი მიმდინარე სემესტრში არ იღებს (არ მიიღებს) სხვა სტიპენდიას ბსუ-ში, გარდა სახელმწიფო სტიპენდიისა.
  - დ) კონკურსანტმა უნდა წარუდგინოს ფაკულტეტის დეკანს, განცხადება, CV და მოკლე (1 გვერდიანი) ნაშრომი „საფინანსო ინსტიტუტების თანამშრომლობის შესაძლებლობები საგანმანათლებლო დაწესებულებებთან“;
  - ე) თანაბარი აკადემიური მოსწრების შემთხვევაში უპირატესობა მიენიჭება იმ კონკურსანტს, რომელსაც წარმოდგენილი ექნება სოციალურად დაუცველ პირთა ერთიან ბაზაში სტუდენტის რეგისტრაციის დამადასტურებელი ცნობა.
2. საკონკურსო კომისიის მიერ საკონკურსო დოკუმენტაცია არ განიხილება (კონკურსანტი არ შეფასდება და მოიხსება კონკურსიდან) შემდეგ შემთხვევებში:
  - ა) თუკი კონკურსანტის მიერ წარმოდგენილი დოკუმენტაცია არასრულყოფილია;


- ბ) თუკი კონკურსანტის წარმოდგენილი დოკუმენტი არ არის შესაბამისი ფორმის დაცვით შედგენილი (ხელმოწერა, ბეჭედი და ა.შ.);
- გ) სოციალური კატეგორიის დამადასტურებელი დოკუმენტაცია - ცნობა არ არის გაცემული საკონკურსო დოკუმენტაციის წარმოდგენის ვადის ამოწურვამდე 2 თვის ვადაში;
- დ) კონკურსანტს შეჩერებული/შეწყვეტილი აქვს ბსუ-ს სტუდენტის სტატუსი;
- ე) კონკურსანტი აკადემიური დავალიანების მქონე სტუდენტია ან შესრულებული აქვს შესაბამისი საგანმანათლებლო პროგრამების მოთხოვნები (მინიჭებული აქვს კვალიფიკაცია).
- ვ) სტუდენტს, რომელსაც წინა სემესტრის მონაცემებით არ აქვს ათვისებული სულ მცირე 25 კრედიტი.

3. ეკონომიკისა და ბიზნესის ფაკულტეტმა წინამდებარე ბრძანების აღსრულებისათვის უზრუნველყოს:

- ა) „აღდაგის სტიპენდიის“ შესარჩევი პროცესის შესახებ შესაბამისი ინფორმაციის მიწოდება სავარაუდო კონკურსანტებისთვის/სტუდენტებისათვის, მათ მიერ ამ ბრძანების პირველი პუნქტის „ა-ე“ ქვეპუნქტებში აღნიშნული ინფორმაციის/დოკუმენტაციის წარმოდგენის მიზნით;
- ბ) „აღდაგის სტიპენდიის“ მიმღები სტუდენტების შერჩევა (ფაკულტეტის დეკანის ბრძანებით შეიქმნას შესარჩევი კომისია) შერჩევის შედეგების შესახებ სამსახურებრივი ბარათის წარმოდგენა - არაუგვიანეს 2023 წლის 06 მარტის 18:00 საათისა;
- გ) სადაზღვევო კომპანია აღდაგის ინფორმირება „აღდაგის სტიპენდიის“ მიმღები სტუდენტების შერჩევის საფუძველზე გამოცემული სტიპენდიის დანიშვნის თაობაზე ბსუ-ს რექტორის ბრძანების შესახებ.

- 4. ეკონომიკისა და ბიზნესის ფაკულტეტის მიერ შერჩეულ კონკურსანტს „აღდაგის სტიპენდია“ დაენიშნოს არაუგვიანეს 2023 წლის 07 მარტისა.
- 5. ბრძანება განთავსდეს ბსუ-ს ეკონომიკისა და ბიზნესის ფაკულტეტის საინფორმაციო დაფაზე და ვებგვერდზე (ვებზე „კონკურსები“, „ფაკულტეტის სიახლეები“).
- 6. ბრძანება დაეგზავნოს ბსუ-ს რექტორის მოადგილეს (ა. ბერიძე), ხარისხის უზრუნველყოფის სამსახურს, ეკონომიკისა და ბიზნესის ფაკულტეტს, სტუდენტთა კარიერული განვითარების, კულტურისა და სპორტის დეპარტამენტს, საფინანსო-ეკონომიკურ დეპარტამენტს, საინფორმაციო ტექნოლოგიურ სამსახურს, იურიდიულ დეპარტამენტს.
- 7. ბრძანება ამოქმედდეს ხელმოწერისთანავე.
- 8. ბრძანება შეიძლება გასაჩივრდეს მისი გამოცემიდან ერთი თვის ვადაში ბათუმის საქალაქო სასამართლოში (მის: ქ. ბათუმი, ს. ზუბალაშვილის ქN°30).

რექტორი, პროფესორი



მ. ხალვაში